



**СЛУЖБА
ВСЕМ СВЯТЫМ,
В ЗЕМЛИ ТУЛЬСКОЙ
ПРОСИЯВШИМ**

**ТУЛА
2002**

СЛУЖБА СОБОРУ ТУЛЬСКИХ СВЯТЫХ

память им творим 22 сентября ст. ст.

на малой вечерни

*На Господи воззвах стихиры на 4, самогласны,
глас 4:*

*Да веселится светло и играет богоспасаемый
град Белев, священную память преподобного отца
нашего Макария и с ним Собора Тульских Святых
празднующे, присно молящийся о нас ко Господу.*

*Сошедшеся днесь, христоименитые людие,
песньми похвальными венчаем великаго во смирении
своем Макария, блаженству соименнаго, и вся
святыя земли Тульскаго, осеняющи нас покровом
молитв своих.*

*Христова тя раба, Преподобнє, ведуще, и
подвижника благочестия велика, к тебе возводим
душевная и телесная очеса наша, твоим
предстательством ко Господу, чающе спасения
улучити.*

Земный ангел и небесный человек явился еси,

*всеблаженне Макарие, и от Христа прим чудес
дарования, душевная и телесная наша недуги силою
твою до конца потреши.*

Слава, глас 6:

*Веселится и радуется Церковь Российская,
ликовствует земля Тульская, Владыце своему
Христу, яко дар благоприятен, Собор Святых в ней
просиявших принося, иже молитвами сохрани и
спаси нас Господи.*

Иныне, Богородичен, глас тойже:

*Тебе молимся, яко Божией Матери,
Благословенная, моли о спасении душ наших.*

На стиховне стихиры, глас 2:

*Дом и жилище Духа Пресвятаго, святыни вси в
земли Тульской просиявших, были есте, темже и
нас дом Того соделайте, святую вашу память
почитающих.*

*Стих: Честна пред Господем смерть преподобных
Его.*

*Пучину жития постнически проплыв, в тихое
пристанище небеснаго покоя вшел еси, блаженне
Макарие, егоже достигнути и нам помолися.*

*Стих: Блажен муж бойся Господа, в заповедях
Его восхощет зело.*

*Егда представился еси, отче Макарие, прияша
тя лица ангельстии, сретоша и праведных собори,*

с ними же ликовствуя во славе небесной и
боговедения насыщаемь, помолися за ны ко Господу
Преблагому.

Слава и ныне, Богородицен, глас тойже:

*Предстательница и покров ты еси, Пречистая,
избави ны от бед лютых и обстояний, и души наша
спаси Божественными Твоими молитвами.*

Тропарь, глас 2-й:

*Настав день светлого торжества, / земля наша
радуется. / И с нею Церковь Христова веселится,
в прославлении Собора Тульских Святых, Богу
угодивших, / к ним же мы притекающе, взываем
сице: / О преславнин сродницы наши, / молите
Христа Бога, / даровать миру мир, / Отечеству
благоденствие, / и душам нашим велию милость.*

Слава, Тропарь преподобному Макарию, глас 8-й:

*Яко светильник пресветлый явился еси в
Российской земли, / преподобие отче наш Макарие,
/ в пустыню близь Белева вселился еси, / и в ней
чада послушания, плоды смирения возрастил еси, /
тем быв Троицы вселение, сияя чудесы, / моли
Христа Бога спастися душам нашим.*

И ныне, Богородицен, глас тойже:

*Иже нас ради рождеся от Девы и распятие пре-
терпев, Благий, испровергий смертию смерть и
воскресение явлея яко Бог, не презри, яже создал еси
рукою Твою: Яви человеколюбие Твоє, Милостиве,*

*приними рожденную Тя Богородицу, молящуюся за ны,
и спаси, Спасе наш, люди отчаянныя.*

НА ВЕЛИЦЕЙ ВЕЧЕРНИ

На Господи воззвах: поставим стихов 8 и поем стихиры глас 8:

*Днесь светло красуется славная Тульская земля,
насельницы ея радуются, прославляя Собор
Святых сродник своих: Макария блаженного / и с
ним лик преподобных, / иерархи и князи благоверные,
мученики и священномученики, / Христа ради
юродивые и жен сословие. / Именуемые вкупе и
ненименуемые, / их же Бог чудесы прослави, / и ныне
прославльшему светлое их торжество.*

*Глас евангельский услышавше / и апостольскою
ревностию распалившееся, / богоблаженнин и
равноапостольни Кукшо и Никоне, / от Киево-
Печерского обители / к просвещению и научению
вятыней неверных устремистесь / от них же и
пострадасте, / Землю нашу кровию вашею освятили
есте, / молите Христа Бога спастися душам
нашим.*

*Вы есте слава Российской земли, / благоверный
княже Дмитрие, / и могучая рать мучеников-
воинов, / на поле Куликове / за веру христианскую и
Русь Святую души своя положивши, / небесными
венцами украсилися есте. / Молитесь ко Господу /
мир миру даровать / и душам нашим велию милость.*

Глас 6-й:

*Благословением аввы Сергия / в землю
Тульскую пришедшими, / преподобномученицы
Александре и Андрею, / любовию велию / и
пролитием крови на поле Кулковом подвиг
совершившии, / делом поучающе: / Яко большия
любви никто же имать, / да аще кто душу за други
своя положит, / вы же святини воины Христовы,
Престолу Владычню на небеси предстояще,
молитесь о нас, / любовию память вашу почи-
тающи.*

*Богомудрых святителей Христовых: /
Феоктиста и Пантелеимона Чирниговских, / Луку,
Симона, Кирилла, / Максима, Иоанна, Дионисия и
Филиппа Тарусских, / Геронтия Московского,
Пимена Новгородского, / Серафиона Подонского и
Димитрия Тульского и иже с ними, / песненными
добротами похвалим. / Христовой церкви светлое
украшение, / священства венцы, благочестия
наставницы, / сокровища дарований духовных, /
речи многих словес, / верных души напаяющие / и
молящиеся Господеви / о спасении душ наших.*

*Вси помолимся Христу, / творящему память днесь
преподобного отца нашего Макария / и с ним вся
преподобные. / Подвигов иноческих и воздержания
зерцало, / любве же и смиренния богатство: / Их же
ради прославлены есть от Господа. / Боже молите
спасение душам нашим даровать.*

Земли Тульская прозябение, преподобнин и

**богоноснин отцы наши: / Поликарпē, Тимофеē,
Нафананлē, Афанасиē, Парфēниē, Макариē,
Арсениē, Симеонē, Иаковē, и Варнаво - обителей
православных и монашествующих украшение,
молитеся ко Господу о спасении душ наших.**

**Блаженний Христа ради юродивни и праведнии,
в земли Тульстей просиявшии, / память ваша
великим торжеством явися нам / и отом, хвалящеся,
возлаголем: / Не забудите Отечества вашего, / но
всех нас поминайте, молящеся о нас ко Господу.**

Сла в а, гла с 2-й:

**Светила земли нашая: / святителне Христовы,
/ преподобнии и праведнии, / Христа ради юродивые
и жен сословие, / благочестно сошедшеся согласно
блажим, вопиюще к ним: / о, Соборе святый,
божественнини сродницы наши / молите Христа Бога
даровать нам велию милость.**

Иныне, Богородичен, догматик, глас тойже:

**Прейде сень законная , благодати пришедши
яко же бо купина не сгараще опаляема, тако Дева
родила еси, и Дева пребыла еси. Вместо столпа
огненнаго, праведное возсия солнце: вместо Монсса
Христос, спасение душ наших**

Вход, Прокимен дне.

**Чтения три: Пророчества Исаина чтение (глава
49, 8-15):**

**Тако глаголет Господь: Во время приятно
послушах тебе и в день спасения помогох ти, и
сотворих тя и дах тя в завет вечный языков, еже**

устроити землю и наследити наследия пустыни, глаголюща сущим во узах: изыдите, и сущим во тьме: Открыйтесь! На всех путях пастися будут, и на всех стезях пажить их: Не взалчат, ниже вжаждут, ниже поразят их зной, ниже солнце, но милуюй их утешит их и сквозе источники водныея проведет их. И положу всякую гору в путь и всякую стезю в паству им. Се, син издалеча приидут, син от севера и от моря, ини же от земли Персская. Да веселятся небеса, и радуется земля, да отрыгнут горы веселне и холми правду, яко помилова Бог люди своя, и смиренныя людей своих утеши. Рече же Сион: Остави мя Господь, и Бог забы мя. Еда забудет жена отрока свое, или не помилует исчадия чрева своего? Аще же и забудет сих жена, но Аз не забуду тебе, — глаголет Господь.

Премудрости Соломоновы чтение (глава 3, 1-9)

Праведных души в руце Божией, и не прикоснется их муга. Непощевани выша во очесех безумных умрети. И вменится озлобление исход их. И еже от нас шествие -сокрушение, они же суть в мире. Ибо пред лицем человеческим аще и муку примут, упование их бессмертия исполнено: И в мале наказанн бывше, великими благодетельствованн будут, яко Бог искуси я и обрете их достойны Себе. Яко злато в горниле. Искуси их, и, яко всеподне жертвенное, прият. И во время посещения их возсияют, и яко искры по стеблю потекут. Судят языком и обладают людьми, и воцарится в них Господь вовеки. Надеящиися наль уразумеют истину, и верний в

любви преображеніи Ему. Яко благодать и милость в преисполненных Его и посещение во избранных Его.

Премудрости Иисуса, сына Сирахова, чтение (глава 44, 1-14)

Восхвалим убо мужи славны и отцы наша в бытни. Многу славу созда Господь в них величием Своим от век. Господствующе во царствиях своих и мужи, именити силою, советующе разумом своим, провещавши во пророчествах, старейшины людей в советех и в разуме писания людей: премудрая словеса в наказании их, ищащие гласа мудрости и поведающе повести во писаниях: мужи богатии, обрадованы крепостию, мирно живущие в жилищах своих. Вси сии в родах прославлены были, и во днеах их похвала. Суть от них, иже оставиша имя, еже поведати хвалы: и суть, иже не есть памяти, и погибши яко не существини, и были яко не бывши, и чада их по них. Но сии мужи милостиви, иже не забвены были: с семенем их пребудет добро наследие, исчадия их в заветех: осталася семя их в чада их по них: До века пребудет семя их, и слава их не потребится: Телеса их в мире погребена были, а имена их живут в родах. Премудрость их поведят людие, и похвалу их исповесть Церковь.

На литии.

*Стихира, глас 2-й. напев Киево-Печерской
Лавры, подобен: Доме Евфраотов*

*Земле Русская, граде святый, украшай свой дом,
в нем же божественный великий сонм святых прослави.
Церковь Русская, красуйся и ликуй, се бо чада*

*Твоя Престолу Владычню во славе предстоят
радующиеся.*

*Собор Святых русских, полче Божественный,
молитесь ко Господу о земном Отечестве вашем и о
почитающих вас любовию.*

*Новый дом Евфрацов, уделе избранный, Русь
Святая! Храни веру православную, в ней же тебе
утверждение!*

Слава, и ныне, Богородичен, глас тойже:

*Да радуются радостию божественною
насельницы Тульского земли, зрящие теплу
Заступницу, дивную победу дарующую на
противные и да поют божественными песнями.*

НА СТИХОВНЕ СТИХИРЫ:

глас 2-й:

*Днесь наста солнца светлнейший праздник
Тульских Святых, / верныя к веселю созывает / и
лучами радости всех просвещает, / в них бо явится
слава Христова, / слава Церкви православных, /
дивными сияющими чудесы. / Тем же, верных,
любовию вопием: / Молитесь о нас, святини все, / в
земле нашей просиявших.*

Стих: Возвеща праъдник / и Господь услыша их.

*Пророчески вопияше Давид во псалмех:
проходом сквозь огнь и воду, и извелены еси в покой;*

*вы же священномученицы Христовы - Иллароне,
Онисиме, Никите, Игнатие и Петре, самими делы
слово исполняюще, прондосте сквозе огнь и воду
мучений, и внидосте в Царство Небесное.
Страстотерпцы блаженныи, молите Христа Бога
грехов оставление даровать празднующим любовию
святую память вашу.*

*Стих: Блажени вси боящиеся Господа, /
ходящии в путях Его*

*Приидите возрадуемся Господеви, память
святых новомучениц Августы, Марии, Агриппины,
Анфисы и Макарии празднующе! Приидите воспоми-
верно, восхваляюще страдалиц Христовых: Лесть
безбожных отринувше, Христа безбоязненно пред
неверными исповедающе. Темже, о
многострадальнии, не престайте молитися о душах
наших.*

Слава, глас 8:

*В памяти святых твоих, Господи, / вси вернин
люди Российстии празднуют, / небеса радуются /
и земли наша концы веселятся, / теч молитвами /
даруй душам нашим велию милость.*

*И ныне, Богородичен, глас тойже:
Подобен: «О! Преславнаго чудесе»*

*О преславнаго чудесе! Небесе и земли Царица
от святых сродников наших умоляемая. До ныне
землю русскую покрывает и Лица Своего
изображенями милостивно, обогащает, о,
Владычице Державная! Не престани и на будущее*

Время во утверждение на Руси православия милости и чудеса изливати до вѣка. Аминь.

*На благославлении хлебов тропарь святым,
преподобному, Богородице Дево:*

ТРОПАРЬ СОБОРУ ТУЛЬСКИХ СВЯТЫХ, глас 5-й:

Радуйся, земле Тульская, / веселитесь и торжествуйте, люди Божии, / прославляя святых своих. / Подвиги веры и благочестия Богу угодивших: / В них же сияют, яко звезды небесныя, / великий князь Дмитрий и могучая рать его мучеников-воинов / на поле Куликовом / за веру православную и Русь Святую души своя положивших. / О, преславнии святини сродницы наша! / Дерзновение ко Господу обретши, / Христа Бога нашего молите: даровать мирам мир, / Отечеству благоденствие / и душам нашим велию милость.

Преподобному, глас 8-й:

Яко светильник пресветлый явился еси в Российской земли, / преподобие отче наш Макарие, / в пустыню близъ Белева вселился еси, / и в ней чада послушания плоды, смирения возрастил еси, / тем быв Троицы вселение, сияя чудесы, / моли Христа Бога спастися душам нашим.

Богородице Дево, радуйся, Благодатная Марие, Господь с тобою: Благословена ты в женах, и благословен плод чрева Твоего, яко Спаса родила еси душ наших.

НА УТРЕНИ

На Бог Господь: тропарь Собору святых, Слава, - преподобному, и ныне, - Богородичен: *Иже нас ради Рождеся от Девы и распятие претерпев, Благий, испровергий смертию смерть, и воскресение явлея, яко Бог, не презри, яже создал еси рукою Твою; яви человеколюбие Твое, Милостиве, приними рожвшую Тя Богородицу, молящуюся за ны, и спаси, Спасе наш, люди отчаянныя.*

По 1-м стихословии, седален:

Яко солнце, яко блестящая Денница, память честная в земли Тульстей просиявших святых возсия, всех нас освещающи и согревающи сердца к подражанию жития их божественному и к ревности о вере.

Слава, и ныне:

По Бозена Тя уповаем, Пресвятая Дева Богородице, и молимся Тебе, Твоими мольбами к Сыну Твоему и Богу нашему утвержденны до конца ны сохрани.

По 2-м стихословии, седален:

Временных и дольних возгнушався, высокая приснопребывающая возлюбил еси, Преподобне отче наш Макарие, божественным желанием распалия Боголюбивую Твою душу, и, сотворив Всевышняго волю, воспрял еси блага небесная.

Слава, и ныне:

Твою помощь подаждь нам рабом Твоим, Дева Владычице, вразуми и руководствуй нас на пути спасения, избавляя ны от бед и скорбей, яко рожвшая всех избавление.

ПО ПОЛИСЛЕНЕ ВЕЛИЧАНИЕ:

I

*Величаем вас, / святни вси, в земли Тульстей
просиявшии, / и чтим святую память вашу, / вы бо
молите о нас Христа Бога нашего.*

II

*И преподобному Макарию: Ублажаем тя, преподобне
отче наш Макарие:*

III

*Величаем вас, / святый благоверный княже
Димитрие и мученицы-воини, / и почитаем честную
память вашу, / вы бо на поле Куликове / за веру и
Отчество души своя положивше, / подвигом любви
землю Российскую прославили есте.*

Седален:

*Земля веселится и небо радуется в прославлении
Собора Тульских Святых, их же память совершающе
молим: спаси, Христе, души наша, яко милосерд*

Слава, и ныне:

*Пречистая Деvo, не презри верою к Тебе,
Милосердней, прибегающих, и теплого Твоего
заступления просящих, молящи Сына Твоего
Христа Бога нашего, спастися душам нашим.*

*Степенна 4-го гласа. Прокимен: Честна пред
Господем смерть преподобных Его. Стих: Что
воздам Господеви о всех, яже воздаде ми?*

Евангелие от Матфея, начало 48:

По 50-м псалмам стихира, глас 6:

*Приидите православных собори, / воспомим
святыя в земле Тульской просиявшия, / учением к
богоразумию нас наставльшия, / источники чудес
предивнин, / Церкви светильницы пресветлни, /
страны Российская воины доблии и стражне
непреклонные, / тии бо избавляют нас от злых иску-
шений и бед / и молятся о душах наших.*

КАНОН

*Канон Богородице параклисис со ирмосом на 6, и
святым на 8, глас 8*

Его же краегласие:

**БЛАГОСЛОВЕНИЕМ СВЯТЕЙШЕГО
ПАТРИАРХА ПИМЕНА.**

Канон Пресвятой Богородице, глас 8

Песнь 1:

*Ирмос: Воду прошед, яко сущ, и египетского зла
избежав, израильянин вопияше:
Избавителю и Богу нашему поим.*

Пресвятая Богородице, спаси нас.

*Многими содергими напастьми, к Тебе прибегаю
спасения искый. О, Мати Слова и Дево, от тяжких и
лютых мя спаси.*

Пресвятая Богородице, спаси нас.

Страстей мя смущают прилози, многаго үныния исполнити мою душу: умири. Отроковицę, тишиною Сына и Бога Твоего Всенепорочная.

Слава: Спаса рождшую Тя и Бога, молю Дево, избавитися ми лютых: к Тебе бо ныне привегая, прощираю и душу и помышление.

И ныне: Недугующа телом и душою, посещения Божественного, и промышления от Тебе сподоби, Едина Богомати, яко благая, Благаго же Родительница.

КАНОН ВСЕМ ТУЛЬСКИМ СВЯТЫМ

Вси святини в земли Тульской просиявшии, молите Бога о нас.

Божественными песнями воспоми вся святыя, в земли нашей просиявшия: святители, мученики, преподобнини и праведники, Христа ради юродивые и жен сословие, подвигами своими землю Тульскую освятившии и нас научившии песнь победную приносити Богу, яко прославися.

Вси святини в земли Тульской просиявшии, молите Бога о нас.

Глас евангельский услышавше и апостольскою ревностию распалившееся, святини страстотерпцы Кукшо и Никоне, к научению неверных вятичей устремистесь, от нихже и кончину приняли есте, радуясь. Телом убо в нетлении в Киево-Печерской Лавре почиваєте, духом же Престолу Божию предстоите, молитесь о нас, память вашу почитающих.

*Вси святини в земли Тульстей просиявшии,
молите Бога о нас.*

*Любовь свою являя Господь, Царь Славы,
прославляющия его прославити обетова. На тебе же
преподобне отче наш Макарие, обоя устроившася.
Якоже ты прославил еси Господа в житии твоем, сици
и тя прослави тобою прославленный Господь.*

*Вси святини в земли Тульстей просиявшии,
молите Бога о нас.*

*Ангельски на земли пожившии, любве ради
Христовы души своя за веру христианскую и Русь
Святую на поле Куликовом положившии,
благоверный княже Дмитрие и вся могучая рать
мучеников-воинов, на небеси предстоите Царю
Славы, воспевая ему победную песнь, яко прославися.*

Богородичен:

*О всенепорочная Дея! Кое Ти благодарение
принесем, яко светозарным явлением Пречистыя
Твоя иконы и Превечного Младенца, всех от
неведения к свету богоразумия возвела еси.*

*Катавасия: Отверз густа моя, и наполняться
Духа, и слово отрыгну Царице Матери, и явлюся
светло торжествуя, и воспою радуясь Тоя чудеса.*

Песнь 3.

*Ирмос: Небеснаго круга Верхоторче Господи,
и Церкви Зиждителю, Ты мене утверди
в любви Твоей, желаний краю, верных
утверждение, едине Человеколюбче.*

Пресвятая Богородица, спаси нас.

*Предстательство и покров жизни моей полагаю
Тя, Богородительницę Дево: Ты мя окорми ко
приistaniщу Твоему, благих виновна, верных
утверждение, едина Всепетая.*

Пресвятая Богородица, спаси нас.

*Молю, Дево, душевное стыдление и печали мои
бүрю разорити: Ты бо, Богоневестная, начальника
тишины Христа родила еси, едина Пречистая.*

*Слава: Благодетеля рожди добрых виновного,
благоденния богатство всем источи: вся бо можешি,
яко сильного в крепости Христа рожди,
Богоблаженная.*

*И ныне: Лютыми недуги и болезненными
страстями истязаему, Дево, Ты ми помози: ис-
целений бо неоскудное Тя знаю сокровище,
Пренепорочная, неиздиваемое.*

*Вси святини в земли Тульской просиявшии,
молите Бога о нас.*

*Светлую память совершающе святых, в земле
Тульской просиявших, приидите, вернин, любовию
их ублажим, подражающе вере их и молящеся, да
утвердятся и наша сердца во еже благоугождати
Господеви и творити волю Его.*

*Вси святини в земли Тульской просиявшии,
молите Бога о нас.*

*Любви ради Христовы великий ангельский образ
приял еси преподобне отче Макарие, крайнего
смирения не оставил и в житии твоем, трудолюбно*

подвизаясь во обители Жабынстой, идже множество монашествующих собрал еси, утвѣржда их сердца творити волю Господню.

Вси святини в земли Тульстей просиявшими, молите Бога о нас.

От поганых татар и нашествия Мамая землю нашу свободившии, благоверный княже Димитрие с мученики-воинами, на земли волю Господнюю сотвориша, на небеси блага небесная наследовали есте.

Богородичен:

Вышняго освященное Божественное селение, радуйся, тобою бо дадеся радость, Богородице, зовущим: благословенна Ты в женах еси, Всенепорочная Владычице.

КАТАВАСИЯ: Твоя пѣснословцы, Богородице, живый и независтный источник, лик сеbe совокупльшая духовно утвѣрди, в божественности Твоей славе венцев славы сподоби.

Кондак преподобного, глас 8:

Житие чистое, терпение, кротость и любовь неподражаемому, / воздержание совершенное, умиление божественное, / веру же и надежду истинную и милосердие стяжав, / равноангельно, Макарие, на земли пожил еси, / и на небеси Богови с лики бесплотных предстоиши. / С ними же, святы, моли, мир Российской Церкви даровать / и душам нашим велию милость.

Слава, седален святых:

Солнце правды Христос, яко же лучи посла преподобнини и Кукшо и Никоне, просвещающии землю вятичей, угодницы Божии, от рода нашего просиявшии, темже помраченную душу мою божественными вашими молитвами осияйте, богоблажении.

И ныне, Богородицен:

Богородице Дево, упование христианом, пробавни нам древняя милости Твоя, бывшия отцем нашим, покрый и соблюди нас от всякаго зла.

Песнь 4:

Ирмос: Услышах, Господи, смотрения Твоего таинство, разумея дела Твоя, и прославих Твоё Божество.

Пресвятая Богородице, спаси нас.

Милосердия Твоего бездну призывающу подаждь ми, Яже Благосердаго рождшая и Спаса всех поющи Тя.

Пресвятая Богородице, спаси нас.

Наслаждающеся, Пречистая, Твоих дарований, благодарственное воспеваєм пение, ведуще Тя Богоматерь.

Слава: На одре болезни моей и немощи низлежащу ми, яко Боголюбива, помози. Богородице, единна Приснодево.

И ныне: Надежду и утверждение, и спасения стену недвижиму имуще Тя, Всепетая, неудобства всякаго избавляемся.

*Вси святини в земли Тульстей просиявшии,
молите Бога о нас.*

*Память днесь святых сродник наших
совершающе, достойно сия да ублажим: тии бо
воистину чрез вся искушения проидаша и
божественного сподобишася сыноположения, на
небесех убо веселятся и радуются, воспевая: слава
силе Твоей, Господи.*

*Вси святини в земли Тульстей просиявшии,
молите Бога о нас.*

*На твердем веры камени утвержден сый, в
безмолвии подвизаясь, преподобие Макарие,
Господа своего волю сотворив, сугуб талант приобрел
еси, сего ради благий он слышниши глас: добрый рабе
и верный, вниди в радость Господа твоего.*

*Вси святини в земли Тульстей просиявшии,
молите Бога о нас.*

*Ильину ревность возимели: святый благоверный
княже Дмитрие и мученики-воины, на поле
Куликовом ступа исполнниша беззаконных
иноплеменников, веру христианскую и Русь Святую
покорити тщашихся. Ныне на небеси воспеваесте:
слава силе Твоей, Господи.*

*Вси святини в земли Тульстей просиявшии,
молите Бога о нас.*

*Едемского рая древеса доброплодная и красная
явишася святини благовернин князи: Николо
святоша, Игоре и Михаиле с Болярином Феодором -*

славнини мученицы, и Иоанне, Престолу Владычню предстояще. Молитесь о нас, вопиющиx: слава силе Твоей, Господи.

Богородичен:

Милостивая и скорая человеком Помощница, воинни молению раб Твоих и даруй нам помошь.

КАТАВАСИЯ: Седяй в славе, на престоле Божества, во облаце лёгце, приидε Иисус Пребожественный, нётленною дланью, и спасε зовущия: слава, Христε, силε Твоей.

Песнь 5

Ирмос: Просвети нас повелении Твоими,
Господи, и мышцею Твою высокою Твой мир подаждь нам, Человеколюбче.

Пресвятая Богородицε, спаси нас.

Исполни, Чистая, веселия сердце мое. Твою нётленную дающи радость, веселия рождая виновного.

Пресвятая Богородицε, спаси нас.

Избави нас от бед, Богородицε Чистая, вечное рождши избавление, и мир, всяк үм преимущий.

Слава: Разреши мглу прегрешений моих, Богоневесто, просвещением Твоего светлости, Свет рождающая Божественный и превечный.

Иныне: Исцели, Чистая, души мои неможение, посещения Твоего сподобльшая, и здравие молитвами Твоими подаждь ми.

*Вси святини в земли Тульстей просиявшии,
молите Бога о нас.*

*Сошедшеся днесь, братие, восхвалим святых
рода нашего: тии бо дерзновение имуще присно Богу
молятся, да и мы во свете повелений Его ходити
начнем.*

*Вси святини в земли Тульстей просиявшии,
молите Бога о нас.*

*Временных и дольних возгнушався, высокая
приснопребывающая возлюбил еси, божественным
желанием распаляя чистую твою душу, Пресвятаго
Утешителя Духа в сердце твоем носил еси и был
еси причастник света невечерняго, преподобне отче
наш Макарие, воздвигни и нас от сна греховнаго и к
свету присносущному приведи.*

*Вси святини в земли Тульстей просиявшии,
молите Бога о нас.*

*Якоже сродницы твои Борис и Глеб явишася
тебе, благоверне княже Димитрие, на поле
Куликовом, в помощь предстательствующи, Русь
Святую защищая, тако и ты с воинством твоим
буди нам помощник и молитвенник, да озаримся и
мы благодатию Христовою и во свете повелений Его
ходити начнем.*

*Вси святини в земли Тульстей просиявшии,
молите Бога о нас.*

*Терпением и молитвою во обителех святыя горы
Афона, Києва, Венєва, Сарова, Валаама, Анзерса, и
иных подвизалися есте, преподобнии отцы:*

*Поликарпē, Ефре́мē, Авеле, Симеонē, Нафанаи́ле,
Афана́сне, Парфе́ние, Арсе́ние, Макари́е, Иаковē и
Варна́во, Ту́льский земли прозябение, монахов
радование и похвало.*

Богородичен:

*Ты покров наш от напастей вражинъ, Владычице,
ты свет сердцам нашим. Печальми житейскими
омраченным, присно буди, Богородице, и спаси ны, во
еже утешевати нам о судьбах заповедей Владыки
Человеколюбца.*

КАТАВАСИЯ: Ужасошася всяческая о
божественней славе Твоей: Ты бо, неискусбравчая
Дево, имела еси во утробе над всеми Бога, и родила
еши беззленааго Сына: всем воспевающим Тя мир
подавающая.

Песнь 6:

Иромос: Молитву пролио ко Господу, и Тому
возвещу печали мои, яко зол душа моя
исполнея; и живот мой аду приближися;
и молюся яко Иона: от тли, Боже, возведи
мя.

Пресвятая Богородице, спаси нас.

**Смерти тли яко спасл есть, Сам Ся издав смерти,
тлением и смертию мое естество ято бывшее, Дево,
моли Господа и Сына Твоего, врагов злодействия мя
избавити.**

Пресвятая Богородице, спаси нас.

Предстательницу Тя живота всем, и

*хранитъници твѣрдѹ, Дѣво, и напастѣй рѣшащѹ
молвы, и налоги бѣсов отгоняющѹ; и молюся всегда
от тли страстѣй моих избавити мя.*

*Слава: Яко стѣнѹ прибѣжища стяжахом, и душа
всесовершенное спасеніе, и пространство в скорбѣх,
Отроковицѣ, и просвѣщеніем Твоим присно
радуемся: о Владычицѣ, и нынѣ нас от страстей и
бѣд спаси.*

*И нынѣ: На одре нынѣ немощствѣй лежу, и
есть исцѣленія плоти мої: но, Бога и Спаса мирѹ и
Избавителя нѣдугов рождающей, Тебѣ молюся Благой:
от тли нѣдуг возстави мя.*

*Вси святини в земли Тульстѣй просиявшии,
молите Бога о нас.*

*Истиннини свѣршитѣлие заповѣдей Христовых
явистѣся, святини вси в земли Тульстѣй просиявшии,
Христу союзом любви прилепистѣся, нищету
возлюбистѣ паче мирскаго пристрастія, небеснѣй
славы со ангелы сподобистѣся, идеже Христу
воспеваєте: слава Тебѣ.*

*Вси святини в земли Тульстѣй просиявшии,
молите Бога о нас.*

*Шествовал еси тѣсным путем в житии твоем,
преподобиє отче наш Макарие, подвигом добрым в
пустыни подвизаясь, течениє постничества добре
скончал еси и мздовоздаяниє от Христа принял еси,
ему же нынѣ молися. Да живот наш от тли соблюдет
и спасет нас, зовущих: слава, Тебѣ Человеколюбче.*

*Вси святини в земли Тульстѣй просиявшии,
молите Бога о нас.*

«Еже жити вам Христос есть, и смерть приобретение», - благоверне княже Димитрие и мученицы-воини: На поле Куликовом бысте со Христом и по смерти наследовали славу Его.

Вси святини в земли Тульстей просиявшии, молите Бога о нас.

Грады земного Отечества оставили есте, граждане Небесныя желаю быти, пресельники явишася отцы преподобнii: Пётре Веневский, Варсонофию Щегловский, Макарию Ефремовский, Тимофею Алексинский, Тихоне и Макарию Белевские чудотворцы. К горним легко пришли есте, во свете праведных водворяяся, духом же неотступно с нами пребываю, сохраняйте убо нас, вас воспевающих.

Богородичен:

О пресвятая госпоже Владычице, не забуди нас Твоих раб, верно поклоняющихся чудотворней Твоей иконе и бдагочестно воспевающих Тя, избави, госпоже, от всяких бед и напастей.

КАТАВАСИЯ: Божественное сие и всечестное совершающе празднество, Богомудрини, Богоматерь, придите руками воспевающим, от Ния рождающегося Бога славим.

Кондак, глас 3. подобен: Дева днесь:

Днесь Собор Тульских Святых предстоит в Церкви / и невидимо за ны молится Богу: / ангели со архиереи славословят, / мученики ликовствуют, / преподобнii и праведнii радуются, / и люди православнii веселятся: / Вси бо купно молят Превечного Бога.

Ин кондак, глас тойже:

Днесь Собор Тульских Святых на небеси предстоит Богу, и, якоже святини Борис и Глеб о сродницах своих, предстательствуют о нас. Ангели со архиерей славословят, мученики ликовствуют. Преподобнини и праведники радуются, людие же православнин веселятся: О нас бо молят вси превечного Бога.

Икос

Ангельски на земли поживших святых, в земли Тульской просиявших, приидите, людие, восхвалим, вопиюще к ним:

Радуйтесь равноапостольни: священно-мучениче Кукшо и преподобномучениче Никоне, землю нашу светом Евангелия просветивши.

Радуйтесь святителю Христовы: Феоктисте, Пантелеймоне, Луко, Симоне, Кирилле, Максиме, Иоанне, Дионисие, Филиппе, Геронтие, Пимене, Серафиионе и Димитрие - Тульская земли похвало и украшение.

Радуйтесь благовернин князи: Святославе, Давиде, Владимире, Николо Святоша, Игоре, Феодоре и Евфросиние с сыном своим Александром Невским, Димитрие с Евдокиею, Михаиле с Болярином Феодором, Димитрие, Иоанне, Димитрие с Евдокиею - велия слава Отечества нашего и благочестия.

Радуйтесь преподобнин отцы наша: Петре Веневский, Макарие Жабынский, Захария и Нифонте Оптинские, Поликарпе, Ефреме, Авеле

прорицателю, Афанасию, Арсению, Серафимоне, Макарию, Иакову и Варнаво Тульским, Тимофею и Парфению Алексинским, Герману Аляскинский Нафанайле Епифанский, яко бесплотно на земли пожившему, Царство Небесное наследовали есте.

Радуйтесь преподобнин матерям: Евфросинии княжна Сузdalская, Фомандо Каширская, Магдалино Елецкая, Софии и Макария Шамординские всечестии игумении в подвиге постническом просиявшим.

Радуйтесь: Анисии, мученице Дедиловская и святинь новомученицы Августо, Макарию, Марии, Аинфисо, и Агрингино за веру во Христа страдания претерпевши и венец победы приявшим.

Радуйтесь праведнин и блаженнии, Христа ради юродивни: Иоанне, Феофилакту иерею, Василию Твердослову Тульскому, Евфросинии Алексинской, Никифору Белевскому, Евдокии Рязанской и Александро Серпуховской - добре в подвиге подвизавшимся и Богу угодившим.

Радуйтесь святинь вси земли Тульских: именуемые и неименуемые, явленные и неявленные угодницы Божии, верою и подвигами своими Бога прославившие и милость Его обретшии, вси бо молите о нас Пречистого Бога.

Песнь 7:

*Ирмос: От Иудеи дошедшее отроцы, в Вавилоне
иногда верою Троическою пламень
пещный попраша, поюще: отец Боже,
благословен еси.*

Пресвятая Богородица, спаси нас.

*Наше спасение якоже восхотел еси, Спасе,
устроити, во утробу Девыя вселился еси, Юже миру
предстательницу показал еси: отец наших Боже,
благословен еси.*

Пресвятая Богородица, спаси нас.

*Волителя милости, Боже родила еси, Мати
чистая, умоли, избавитися от прегрешений и
душевных скверн, верою зовущим: отец наших Боже,
благословен еси.*

*Слава: Сокровище спасения и Источник
непления, Тя рождшую, и столп утверждения, и
дверь покаяния, зовущим показал еси: отец наших
Боже, благословен еси.*

*Иныне: Телесные слабости и душевые недуги,
Богородительница, любовию приступающих ко крову
Твоему, Дево, исцелити сподоби. Спаса Христа нам
рождшая.*

*Вси святини в земли Тульской просиявшими,
молите Бога о нас.*

*Плотское мудрование Духу, богоносни, воистину
повинуетсѧ, / постнически сего стремления
неудержима постом увядившѧ: / И ныне
бессстрастия светом просветившѧся, святини все*

*земли нашєя, / награду трудов приясте, на небеси
воспевая Богу: / благословен еси во веки.*

*Вси святини в земли Тульстей просиявшии,
молите Бога о нас.*

*Ангелов собеседниче, преподобне отче наш
Макарие, был еси, / благочестно бо на земли пожив,
многи приходящии к тебе страху Господню научил
еши, / зрел еси будущая яко настоящая, / и умиления
и радости много скорбящия души исполнил еси, /
научая петь: отцев Боже, благословен еси во веки.*

*Вси святини в земли Тульстей просиявшии,
молите Бога о нас.*

*Трудами и ратными подвигами на земли
подвизалися есте, / святини мученицы-воины, за
веру христианскую и Русь Святую души своя
положившии, / ныне же на небеси радуетесь,
приемля награду мученик Христовых, воспевая: /
отцев Боже, благословен еси.*

*Вси святини в земли Тульстей просиявшии,
молите Бога о нас.*

*Радости небесныя причастницы бысте еще на
земли, преподобнии матері: Марфо, Пансиे,
Ксение, Фомандо, Магдалино, Павлина, Софие, и
Макария, на небеси сопричастницы славы
Христовой явилися есте, воспевая: Боже, благословен
еши.*

Богородицен:

*Идеже осенит благодать Твоя, Богородице, стра-
хом исчезают демоны и разрушается злокозненное*

*тѣх мѣчтаніе, бѣгают души тѣмнин, радуется же
верных множество, Тебѣ пѣснь хвалинъ от сердца
вопиюще: Божественный покровѣ душ наших.*

*Катавасия: Не послужиша твари Богомудрин
паче создавшего, но огненное прещеніе мужески
поправшее, радовахуся поюще: препетый отцев
Господь и Бог, благословен еси.*

Пѣснь 8:

*Ирмос: Царя Небеснаго, Гоже поют вон
Ангельстини, хвалите и превозносите
во вся вѣки.*

Пресвятая Богородицѣ, спаси нас.

*Помощи, яже от Тебѣ, требующая, не презри,
Дѣво, поющия и превозносящия Тя во вѣки.*

Пресвятая Богородицѣ, спаси нас.

*Неможеніе души моей исцеляющи, и телесныя
болезни, Дѣво, да Тя прославлю. Чистая, во вѣки.*

*Слава: Изцеленій богатство изливающи верно
поющим Тя, Дѣво, и превозносящим ненизреченное
Твое рождество.*

*И нынѣ: Напастей Ты прилоги отгоняющи и
страстей находы, Дѣво: темже Тя поем во вся вѣки.*

*Вси святини в земли Тульстей просиявшими,
молите Бога о нас.*

*Апостолов уdobреніе, мучеников собраніе,
постников похвало, всѣх святых в земли Тульстей
просиявших память духовнѣ празднующе, хвалим,*

Благословим и превозносим Господа во вся веки.

*Вси святини в земли Тульстей просиявшии,
молите Бога о нас.*

*О всеславнине новомученицы наши: Илларионе,
Никито, Онисиме, Игнатие и Петре, столпи
необоримини Христовой Церкви, в годину гонений
всякие мучения за Христа добре претерпесте и в
белую ризу спасения обликостесь, превозносяще
Господа во веки.*

*Вси святини в земли Тульстей просиявшии,
молите Бога о нас.*

*Яко агницы непорочныя, и яко жертвы приятные,
Христу, истинному Пастырю, принесостесь,
страстотерпицы Спасовы: Августо, Макарие,
Анфисо, Марие и Агриппино, и в чертозе небесном
веселою душою водвористесь, и деже со ангелы на
небеси славите и превозносите Бога во веки.*

*Вси святини в земли Тульстей просиявшии,
молите Бога о нас.*

*Ангельское житие на земли скончали есте
блаженнии, Христа ради юродивые: Иоанне,
Феофилакте, Василие, Никифоре, - на небеси со
ангелы предстоите и превозносите Царя Славы во
веки.*

Богородичен:

*Предстательница сущи неотступна к Вышнему
Царю, яко имуще Материне дерзновение
непостыдно, в мире глубоце православных житие
утверди и Отчество наше возвыси и вся полезная*

даруя всегда рабом Твоим, превозносящим Господа во веки.

*Благословим Отца, и Сына, и Святаго Духа
Господа ныне и присно и во веки веков. Аминь
Хвалим, благословим...*

*КАТАВАСИЯ: Отроки благочестивыя в пещи,
рождество Богородично спасло есть: тогда убо
образуемое, ныне же действуемое, вселенную всю
воздвигает пети Тебе: Господа пойте дела и
превозносите Его вся веки.*

Песнь 9

*Ирмос: Воистину Богородицу Тя исповедуем,
спасенни Тобою, Дево Чистая, с
безплотными ликами Тя величающе.*

Пресвятая Богородице, спаси нас.

*Тока слез моих не отвратися, Яже от всякаго
лица всякую слезу отъемшаго, Дево, Христа рождшая.*

Пресвятая Богородице, спаси нас.

*Радости моё сердце исполни, Дево, Яже радости
приёмшая исполнение, греховную печаль
потребляющи.*

Пресвятая Богородице, спаси нас.

*Пристанище и представительство к Тебе
прибегающих буди, Дево, и стена нерушимая, при-
бежище же и покров и веселье.*

*Слава: Света Твоего зарями просвети, Дево,
мрак неведения отгоняющи, благоверно Богородицу*

Тя исповедающих.

И ныне: На месте озлобления немощи смирившагося, Дево, изцели, из нездравия во здравие претворяющи.

Вси святини в земли Тульстей просиявшии, молите Бога о нас.

Иисуса Христа возлюбивше и его сладостне понесшее, святини вси в земли Тульстей просиявшии, подвигом добрым подвизалися есте на земли, ныне же вечныя славы наслаждаетесь на небеси, тем вас вси величаем.

Вси святини в земли Тульстей просиявшии, молите Бога о нас.

Макарие преславне, возсия нам богоугодное житие твоє, всем явился еси правило веры и образ кротости, подвигов иноческих и воздержания зерцало, любве же и смиренния богатство, Престолу Владычню предстоя, молися и о нас, да с тобою Господа славим и Богородицу величаем.

Вси святини в земли Тульстей просиявшии, молите Бога о нас.

Мучениц блаженныхъ: схимонахини Августы, монахинь Макарии и Анфисы, послушницы Марии и Агринпини подвигу удивишася небесныя силы, како врага победиша в женском естестве, сего ради яко победоносицы непобедимии прославиша, ныне предстоя Престолу Владычню, молитесь о нас, да с вами Господа славим и Богородицу величаем.

*Вси святини в земли Тульстей просиявшии,
молите Бога о нас.*

*Нищии духом - обогатившеся, блаженнии
Христа ради юродивые и преподобнии матери:
Евфросиние, Агафие, Екатерино, Надеждо и
Александро и Матроно, тесным путем шествовали
ко Христу Жениху своему, течение благое соверши-
ли есте и превеликое воздаяние обретши у Бога, на
небеси славите Его и Богородицу - Матерь Света
величаете.*

Богородичен:

*Ангелов множества и всех человек роди
прерадостно ублажают Ея, Всепечатая Дево, всех бо
Спаса и Зиждителя и Владыку и Бога родила еси,
Боже о нас моли, Пречистая.*

Святлен:

*Тульския земли святыя песнями почтим и
молитвенники за ны Тебе, Господи, приводим в
молитву. Их же ради спаси души наша, яко
Милосерд.*

Слава преподобному:

*Святозарна светильника веры во стране нашей
возсиявша и солнца светлеши чудесы нас
просвещша, Макария преподобного, блаженству
тезоименитого, песнями восхвалим.*

И ныне, Богородичен:

*Принидите, вернии, с чистотою возвеличим
Пречистыя Матерь Бога нашего чудную икону и
Божественного Младенца Спаса Христа. Боже, яко*

*рождшая, на руку носивши и матернее дерзновение
к нему имущи, непрестанно молит за нас и подает
рабом Своим богатые милости.*

*На хвалитех стихирь, глас 8-й:
Подобен: О, Преславного чудесе:*

*Вси помолимся Христу. / Творяще память днесь
Макария преподобного / и с ним вкупе воспоим Собор
Тульских Святых. О коль велика твоя милость к нам,
/ в Троице славимый Боже: / приними, Господи,
молитвы их / и подаждь нам велию милость.*

*О преславного чудесе! Светоносный и радостный
праздник Собора Тульских Святых ныне нам возсия.
Приидите, вернин, в память их веселящеся
возопним: святини все, сродницы наши, молитесь за
ны ко Господу, да спасет души наша, яко Милосерд.*

*Преподобне отче наш Макарие, странника и при-
шельца сеbe на земли помышляя, душевныя твоя
очеса ко Иерусалиму Небесному возводил еси,
слезами постель свою омывая. Ныне же небеснаго
радования в Соборе Святых наслаждаясь и Богови-
выну предстоя, моли спасти и просветити души
наша.*

*О преславного чудесе! Святый великий князь
Димитрин с могучею ратью мучеников-воинов
прославляется Господем. Церковь Христова
торжествует и все единодушно воплют: о святини
покровителю Тульская земли, сохраните страну
нашу и всех нас от всякия нужды и печали.*

Слава, глас 2-й:

*Красу́йся и ве́селися Ту́льская земля, / яко в
недрах твоих на Ку́ликовом поле / сокровище
Божественных даров неоску́дное яви́ся святыя
мученики-воины, / за ве́ру христианскую и Ру́сь
Святую души́ своя положивши́е, / от них же
истекают исцеления и подаётся благодать всем, / с
ве́рою приходящим и чту́щим память их.*

И ныне, Богороди́чен, глас тойже:

Непроходимая врата, тайно запечатствованная, Благословленная Богородица Дево, приними моления наша и принеси Твоему Сыну и Богу, да спасет Тобою души наша.

**Славословие великое, тропарь святым, ектении, и
отпуст.**

Н А Л И Т У Р Г И И

*Блаженны от канона песнь 8-я и 6-я
По входе: Тропари - Собору святым,
преподобному, Кондаки - Преподобному,
слава Собору святых*

И ныне: Взранной Воеводе победительная...

*Прокимен: Честна пред Господем смерть
преподобных Его.*

*Апостол: Галатам 218, Евангелие от Луки, начало
24*

Причастен: В память вечную:

Молитва первая

Собору Тульских Святых

*Боже Святый, иже на святых почиваяй, и
трисвятым гласом на небеси от Ангел воспеваємыи
и на земли от человек во святых Своих
прославляємыи!*

*Давай Божественным Твоим Духом комуждо от
человек просвещающю и животворящую благодать,
сюже мнози явишася святини в космеждо роде
различными добродетельми благоугодившии Тебе.
Образ нам добрых подвигов своих оставиша, сами
искушени быша и нам, напаствuemыи, помогати
готови суть. Сих же богоугодное житие похваляюще,
Тебе Самаго в них действовавшего восхваляем и
прилежно молим: Святые святых! Даждь нам,
грешным, последовать учению, житию, любви, вере
и смиреннию их.*

*Ты бо рекл еси, Владыко устами Иакова апостола
и сродника Твоего по плоти: «много бо может
молитва праведного поспешествуема» (Иак. 5,16)
- то кольми паче много может молитва собора
святых сродник наших на умоление Тебе о спасении
нашем.*

*О, преславный и пречестный Соборе всех святых
в земли Тульской просиявших! Предстателье,
молитвенницы и теплыи ходатан наши! Помяните
нас, странствующих зде, и дарованную вам от Бога
благодатию управите нас к Небесному Отечеству,*

Укрепите нemoщь нашу, оградите от искушений и соблазнов вѣка сего, возродите в нас святую любовь и ревность о Господѣ нашем.

О, блаjеннии үгодницы Божии: свящеnномучениче Кукшо и преподобномучениче Никоне, яко равноапостольнии, первые просветители светом Евангелия Христова земли нашей, преподобне отче наш Макарие, монашеского жития зде начало, святый благовѣрный княжѣ Дмитрие и мученицы воинны на поле Куликовом за вѣру Православную и Рѹсь Святую душы своя положившии, святини многострадальнии новомученицы - Илароне, Никито, Онисиме, Игнатиe и Петре, Августо, Макарие и Анфисо, Марие и Агриппино, блаjеннии - Иоанне, Евфросинии, Матроно со всеми прочими святыми в земле нашей просиявшими помозите нам жити праведно и цѣломудрено в нынешнем вѣце, присно же памятовать о часе смертном и страшном втором пришествии Господа и Спаса нашего Иисуса Христа, да благодатию и человѣколюбием Его соблюдаеми и мы сподобимся в Небесном Царствии купно с вами поклоняться Престолу Божию и благодарно и всерадостно славити Отца, и Сына, и Святаго Духа, Единаго в Троицѣ славимаго Бога, и ваше милостивое о нас ходатайство всегда, нынѣ и присно, и во вѣки вѣков. Аминь.

Молитва вторая:

О, преславный и пречестный Собор всех святых в земли Тульской просиявших! Предстателье, молитвенницы и теплые ходатай наши! Помяните нас, странствующих здесь, и дарованную вам от Бога благодатию управите нас к Небесному Отечеству, укрепите немощь нашу, оградите от искушений и соблазнов века сего, возродите в нас святую любовь и ревность о Господе нашем.

О, блаженнии угодницы Божии: священному чениче Кукшо и преподобномучениче Никоне, яко равноапостольнии, первые просветители светом Евангелия Христова земли нашей, преподобие отче наш Макарие, монашеского жития здесь начало, святый благоверный княже Дмитрие и мученицы воины на поле Куликовом за веру Православную и Русь Святую души своя положивши, святини многострадальнии новомученицы - Иларионе, Никито, Онисиме, Игнатие и Петре, Августо, Макарие и Анфисо, Марне и Агриппино, блаженнии - Иоанне, Евфросиние, Матроно со всеми прочими святыми в земле нашей просиявшими помозите нам жити праведно и целомудренно в нынешнем веке, присно же памятовати о часе смертном и втором пришествии Господа нашего Иисуса Христа, да благодатию и человеколюбием Его соблюдаеми мы сподобимся в Небесном Царствии купно с вами благодарно и всерадостно славити Единаго Истинаго Бога, во Святей Троице славимаго, Отца, и Сына, и Святаго Духа, во веки веков. Аминь.